

Peniaga kecil B-putera rayu Dr. Mahathir mengatasi soal mereka

KUALA LUMPUR, Selasa — Timbalan Perdana Menteri Datuk Seri Dr. Mahathir Mohamad, diminta campurtangan untuk menyelesaikan beberapa masalah yang kini dihadapi oleh kira-kira 70 peniaga kecil Bumiputera di 'Bazaar' Kompleks Pertama di Ibukota.

Satu memorandam berhubung dengan perkara tersebut telah disampaikan kepada Datuk Seri Dr. Mahathir oleh peniaga-peniaga kecil itu.

Memorandam itu disusun oleh satu jawatankuasa bertindak menyatakan perasaan tidak puashati peniaga-peniaga tersebut terhadap UDA — tuannya blok Bazaar itu — yang dikatakan mengenakan sewa yang tinggi dan tidak menyediakan sebarang bimbingan, nasihat dan tunjuk-ajar berniaga kepada mereka.

Seorang jurucakap jawatankuasa bertindak itu memberitahu hari ini: "Kami kesal dengan sikap UDA yang mendiamkan diri walaupun masalah kami telah dikemukakan sejak lima bulan lalu."

Gulung tikar

"Sejak itu, hampir setengah dari peniaga-peniaga Bumiputera di Bazaar Kompleks itu telah gulung tikar setelah menimpa kerugian besar.

Kami bimbang jika sesuatu tindakan tegas dan positif tidak segera diambil, semua peniaga Bumiputera di Bazaar itu yang terus mengalami kerugian terpaksa menutup perniagaan mereka.

"Oleh itu kami tidak ada jalan lain selain merayu kepada Timbalan Perdana Menteri yang juga Menteri Perdagangan dan Perindustrian untuk menolong menyelesaikan masalah rumit yang kami hadapi sekarang."

Antara permintaan yang dikemukakan oleh jawatankuasa bertindak itu ialah:

- Menurunkan sewa seberapa rendah bagi menarik lebih ramai lagi Bumiputera berniaga di Bazaar itu seperti yang dilakukan oleh MARA di Bangunan Ibupejabatnya berhampiran dengan Kompleks Pertama itu.

- Mempercepatkan urusan mengisi gerai-gerai baru dalam kawasan 'Casino' UDARIA yang dikosongkan supaya kegiatan perniagaan di kawasan Bazaar itu berjaya.

lan lebih rancak.

- Menyelesaikan urusan pemasangan sprinkler air pemedan api di kawasan Bazaar itu yang terbiar begitu saja sejak Kompleks itu dibuka.

Menurut jurucakap jawatankuasa itu, sekarang ini pihak UDA mengenakan bayaran sewa sebanyak \$2.06 satu kaki persegi sungguhpun terdapat di kawasan hadapan Kompleks Pertama itu, sewanya sudah diturun oleh tuannya gerai-gerai serendah \$1 sekaki persegi.

Satu tinjauan kita mendapati Bazaar Pertama yang terletak di bahagian belakang Kompleks tersebut dalam keadaan langang sahaja.

No. Sivi : 1303

No. Pen : 974/80